

# জাভায় ডাটাবেজ প্রোগ্রামিং

মো: আবদুল কাদের

অ্যাপ্লিকেশননির্ভর প্রোগ্রামের একটা বড় অংশ দখল করে রয়েছে ডাটাবেজ। ডাটাবেজে তথ্য সংরক্ষণের পাশাপাশি সেখানে তথ্য জমা রাখা ও প্রয়োজনে সেখান থেকে তথ্য উদ্ধার করা বা প্রয়োজন মফিক তথ্য দেখা ও সেই তথ্য নিয়ে কাজ করা যায়। সেই সাথে আগের সংরক্ষিত তথ্যগুলোর সাথে নতুন নতুন আরও তথ্য যোগ করা, ডাটাবেজের ভাষায় যাকে বলে ইনসার্ট করা, তথ্যসমূহ সম্পাদনা করা এবং মুছে ফেলাসহ যাবতীয় কাজ সম্পাদন করা যায়।

জনপ্রিয় ডাটাবেজ সফটওয়্যারের মধ্যে ওরাকল প্রতিষ্ঠানের ওরাকল ও মাইক্রোসফটের এসকিউএল সার্ভার অন্যতম। এসব ডাটাবেজে ডাটার নিরাপত্তা খুব বেশি ও ব্যাপকসংখ্যক তথ্য সংরক্ষণ করা যায়। উদাহরণস্বরূপ, এসকিউএল সার্ভারে তৈরি করা একটি টেবিলে ৭০ লাখ পর্যন্ত ডাটা সংরক্ষণ করা যায়। তবে, এসব ডাটাবেজ সফটওয়্যার খুব ব্যয়বহুল। সাধারণত, বড় ধরনের কোম্পানি এসব ডাটাবেজ ব্যবহার করে থাকে। ডাটাবেজ নির্মাণকারী প্রতিষ্ঠানগুলো ব্যবহারকারীর তথ্যকে সর্বোচ্চ নিরাপত্তা দেয়ার জন্য প্রতিনিয়ত নতুন নতুন নিরাপত্তা ব্যবস্থা সংযোজন করছে, যাতে ব্যবহারকারীরা তাদের গোপন তথ্যসমূহ জমা রাখতে আত্মহী হয়। তা ছাড়া তুলনামূলক ছোট আকারের ও কম নিরাপত্তা বৈশিষ্ট্য সংবলিত ডাটাবেজ তৈরির জন্য জনপ্রিয় সফটওয়্যারগুলোর মধ্যে মাইক্রোসফট অ্যাক্সেস অন্যতম। এটি মাইক্রোসফটের অফিস প্যাকেজের সাথে বাডেল আকারে পাওয়া যায়। উল্লেখ্য, সব ডাটাবেজ সফটওয়্যারই ডাটাবেজ নিয়ে কাজ করার জন্য একটি নির্দিষ্ট ভাষা ব্যবহার করে, যার নাম Structured Query Language, যা Sql ল্যাঙ্গুয়েজ নামেই বেশি পরিচিত। তাই ডাটাবেজ প্রোগ্রামিং করতে হলে Sql ল্যাঙ্গুয়েজ সম্পর্কে কিছুটা ধারণা থাকা দরকার।

বিভিন্ন প্রোগ্রামিং ল্যাঙ্গুয়েজে ডাটাবেজ নিয়ে কাজ করার জন্য আলাদা কোড রয়েছে। আমাদের আলোচিত জাভা ল্যাঙ্গুয়েজে ডাটাবেজ সংক্রান্ত কাজ করার জন্য আমাদেরকে জাভার Sql প্যাকেজ নিয়ে কাজ করতে হবে। প্রথমেই ডাটাবেজ সম্পর্কে সাধারণ কিছু ধারণা দেয়া হলো। যেমন- ডাটাবেজে তথ্যসমূহ সংরক্ষণ করার জন্য আমরা টেবিল তৈরি করে থাকি। টেবিলের লম্বালম্বি ঘরগুলোকে কলাম ও আড়াআড়ি ঘরগুলোকে রো বলা হয়। একেকটি ঘরকে সেল বা টেবিল ডাটা ও একটি রোয়ের ডাটাগুলোকে সম্মিলিতভাবে ইনফরমেশন বা তথ্য বলা হয়।

জাভায় ডাটাবেজ প্রোগ্রামিংয়ে আমরা কয়েকটি ধাপে কাজটি সম্পন্ন করব।

ধাপ-১ : ডাটাবেজ তৈরি।

ধাপ-২ : ডাটা সোর্স নেটওয়ার্ক (DSN) তৈরি।

ধাপ-৩ : জাভা প্রোগ্রাম তৈরি।

ধাপ-৪ : ডাটাবেজ থেকে ডাটা প্রদর্শন।

## ডাটাবেজ তৈরি

আমাদের হাতের কাছেই যে ডাটাবেজ সফটওয়্যার আছে, তা নিয়েই একটি ডাটাবেজ বানানোর চেষ্টা করব এবং তার সাথে সংযোগ সাধনের প্রক্রিয়া দেখব। প্রথমেই ডাটাবেজ তৈরির জন্য এমএস অ্যাক্সেস সফটওয়্যার ব্যবহার করে একটি ডাটাবেজ তৈরির পদ্ধতি এখন দেখানো হয়েছে। যাদের ডাটাবেজ নিয়ে কাজ করার ধারণা নেই, তারাও এ কাজটি সহজেই করতে পারবেন। প্রথমেই আপনার কমপিউটারে যদি মাইক্রোসফট অফিস ইনস্টল করা না থাকে, তাহলে ইনস্টল করে নিতে হবে। ইনস্টল করার পর উইন্ডোজের প্রোগ্রামস থেকে মাইক্রোসফট অ্যাক্সেস।



চিত্র-২

ওপেন করতে

হবে। এরপর ব্ল্যাক ডাটাবেজ সিলেক্ট করে চিত্র-২-এর মতো ফাইল নেম বক্সে Students

নাম দিয়ে Create বাটনে ক্লিক করলে অ্যাক্সেস ২০০৭-এ Students.accdb নামে ডাটাবেজ তৈরি হবে। তবে অ্যাক্সেসের আগের ভার্সনগুলোতে ডাটাবেজের এক্সটেনশন হয় .mdb। ডাটাবেজটি বাই ডিফল্ট ডকুমেন্টস।

ফোল্ডারে সেভ

হবে। আমরা চাইলে Create বাটনে ক্লিক করার আগে



চিত্র-৪

সেভ লোকেশন ঠিক করে দিতে পারি। আমরা Students ডাটাবেজটি D ড্রাইভের java ফোল্ডারে সেভ করেছি। এখন ডাটাবেজটি ওপেন করে চিত্র-৩-এর মতো Create ট্যাব থেকে Table।

Design সিলেক্ট করতে হবে। তারপর চিত্র-৪-এর মতো Field Name ও Data Type দিতে হবে।

এরপর সেভ বাটনে ক্লিক করলে টেবিলটি

Field Name	Data Type
Age	Number
Account Name	Text
Age	Number
Age	Number
Age	Number
Age	Number

চিত্র-৫

সেভ করার জন্য একটি নাম চাইবে। আমরা টেবিলটি results নামে সেভ করেছি। টেবিলটি সেভ হওয়ার আগে Primary Key চাইলে No বাটনে ক্লিক করতে হবে। আমাদের টেবিল তৈরি করা শেষ। এখন এতে প্রয়োজন মফিক ডাটা দিতে হবে, যাতে আমরা প্রোগ্রাম চালানোর পরে সেখান থেকে দেখতে পারি। এ জন্য ভিউয়ের মেনু থেকে Datasheet View সিলেক্ট করে চিত্র-৫-এর মতো ডাটা ইনপুট দিতে হবে।

## ডাটা সোর্স নেটওয়ার্ক তৈরি

ডাটা সোর্স নেটওয়ার্ক (DSN) প্রোগ্রামের সাথে ডাটাবেজের লিঙ্কের মতো কাজ করে। এটি তৈরি করার জন্য কন্ট্রোল প্যানেল থেকে অ্যাডমিনিস্ট্রেটিভ টুলসে যেতে হবে। এখানে লিস্ট থেকে Data Sources (ODBC)-এ ডাবল ক্লিক করলে চিত্র-৬-এর মতো উইন্ডো ওপেন হবে।




চিত্র-৬

এরপর ইউজারের পছন্দমতো ডাটা সোর্স তৈরি

Microsoft Access Driver (*.mdb)	Microsoft Access Driver (*.accdb)
1 Microsoft Access Driver (*.mdb)	1 Microsoft Access Driver (*.accdb)
2 Microsoft Access Driver (*.mdb)	2 Microsoft Access Driver (*.accdb)
3 Microsoft Access Driver (*.mdb)	3 Microsoft Access Driver (*.accdb)
4 Microsoft Access Driver (*.mdb)	4 Microsoft Access Driver (*.accdb)
5 Microsoft Access Driver (*.mdb)	5 Microsoft Access Driver (*.accdb)

চিত্র-৭

করার জন্য Add বাটনে ক্লিক করলে চিত্র-৭-এর মতো উইন্ডো ওপেন হবে। সেখানে চিত্র-৮-এর মতো লিস্ট থেকে Microsoft Access Driver



চিত্র-৮

(.mdb, \*.accdb) সিলেক্ট করে Finish বাটনে ক্লিক করতে হবে। এখানে লক্ষণীয়, আমরা যেহেতু ডাটাবেজটি এমএস অ্যাক্সেস ২০০৭ সফটওয়্যারে তৈরি করেছি, তাই এখানে (\*.accdb) বিশিষ্ট এই ড্রাইভারটি সিলেক্ট করা হয়েছে। অ্যাক্সেস ২০০৭-এর আগের ভার্সনে ডাটাবেজটি তৈরি করা হলে Driver to Microsoft Access (\*.mdb) নামে আরেকটি অপশন আছে, সেটি সিলেক্ট করলেও হবে। এ

(বাকি অংশ ৬৬ পৃষ্ঠায়)